

Forskráning launa og starfstengdra greiðslna

á skattframtöl einstaklinga 2006

Forskráning upplýsinga

Forskráning margvíslegra upplýsinga á skattframtöl og tölvutæk skil eru orðin lykilatriði við framtalsgerð einstaklinga.

Megintilgangur forskráningar er að létta framteljendum útfyllingu framtala, tryggja rétt framtalsskil og draga úr óvissu og skekkjum. Vill ríkisskattstjóri nota tækifærið og þakka launagreiðendum fyrir samvinnu við forskráningu á skattframtöl ársins 2005 í febrúar sl., en slík samvinna er forsenda þess að bæta megi þjónustu við framteljendur með framangreindum hætti.

Við forskráningu launa og annarra starfstengdra greiðslna hefur ríkisskattstjóri lagt áherslu á að skráðar upplýsingar séu *endanlegar* og *sem áreiðanlegastar*, þ.e. þarfnist ekki breytinga eða viðbóta síðar af hálfu launagreiðanda og að til undantekninga heyri að þær þurfi að leiðrétta af hendi framteljanda (launamanns). Nauðsynlegt er því að launagreiðendur sendi **allar** upplýsingar, sem ber að gefa upp á launamiða, til forskráningar, hvort sem þær kunna að vera geymdar í launakerfi eða fjárhagsbókhalda, þ.m.t. dagpeninga, ökutækjastyrki og hlunnindagreiðslur.

Mikilvægt er að launaforrit séu uppfærð vegna krafna um aukinn áreiðanleika og öryggi þeirra upplýsinga, sem forskráning grundvallast á. Launagreiðandi þarf því að tryggja að notuð sé rétt útgáfa af viðkomandi launakerfi vegna forskráningarinnar.

Skilaleiðir

RSK bauð á árinu 2005 upp á nýjungar í launamiðaskilum, sem fólust í beinum skilum úr launakerfum með XML-skeyti, sem og skráningu launamiða og innlestri launamiðaskráa á þjónustusíðum launagreiðenda á rsk.is. **Launagreiðendur eru hvattir til að nota þessar skilaleiðir við launamiðaskil sín.**

Eldri skilaleiðir launamiða (á disklingi eða á pappír) verða þó einnig áfram í boði með óbreyttu sniði á árinu 2006.

Fyrirkomulag forskráningar launa

Ríkisskattstjóri fer fram á að upplýsingum um laun og aðrar starfstengdar greiðslur og hlunnindi, sem inntar hafa verið af hendi vegna ársins 2005, verði skilað í gegnum gagnaskilakerfið á þjónustusíðu á rsk.is. Einnig má skila þessum upplýsingum til skattstjóra í umdæmi launagreiðanda á tölvutæku formi skv. útgefinni færslu-lyngu. Launamiðafærslan er efnislega óbreytt frá síðasta ári. Upplýsingar um greiðslur verða þá forskráðar á

skattframtöl viðkomandi launamanna fyrir útsendingu þeirra og munu jafnframt birtast í vefrættali hvers og eins.

Með hverju skattframtali, sem fjárhæðir eru forskráðar á, fylgir sérstakt sundurliðunarblað með nánari skýringum. Þar eru forskráðar fjárhæðir í hverjum framtalsreit sundurliðaðar eftir launagreiðendum. Meðfylgjandi er að finna yfirlit yfir tengsl reita í launamiðafærslunni og reita á tekjusiðu skattframtals einstaklinga, þ.m.t. þeirra framtalsreita sem upplýsingar frá launagreiðendum verða forskráðar í (sjá bakhlíð).

Kröfur til gagna frá launagreiðendum

Vegna forskráningar er afar mikilvægt að vandað sé til upplýsingagjafar á launamiðum og réttar upplýsingar berist tímanlega. Því eru eftirfarandi kröfur gerðar til þeirra launagreiðenda, sem skila inn gögnum til forskráningar:

- Skilafrestur tölvutækra upplýsinga í gegnum gagnaskilakerfið á rsk.is er til mánudagsins **6. febrúar 2006**.
- Tölvutækar upplýsingar á segulmiðlum til forskráningar, í samræmi við færslu-lyngu, skal senda skattstjóra í umdæmi launagreiðanda. Skilafrestur er til mánudagsins **6. febrúar 2006**.
- Skilafrestur launamiða á pappír er til 26. janúar 2006.
- Ekki er unnt að tryggja að þeir launamiðar sem skilað er eftir skilafrest komi til forskráningar.
- Skil á áður nefndum skattgögnum á tölvutæku formi eru **fullnaðarskil** til skattyfirvalda. Ekki á að skila sömu launaupplýsingum til skattstjóra á pappír.
- **Samtalningsblaði yfir allar færslur, sem sendar eru til skattstjóra með eldri skilaleiðum (á disklingi eða á pappír), skal skilað með launamiðunum til afstemmingar við innlestur.**
- Mælt er til þess að launagreiðendur sendi launamiða á pappír til launamanna sinna, nokkru áður en skil til skattstjóra á tölvutæku formi eiga sér stað. Með því móti gefst launamönnum kostur á að koma strax á framfæri athugasemdum og leiðréttingum við launagreiðendur vegna launauppgjörsins, þ.e. áður en launaupplýsingum er skilað til skattyfirvalda og þær verða forskráðar á framtöl.
- Ríkisskattstjóri fer fram á að launamönnum verði í upplýsingaskyni sendur launamiði á A-4 formi í einriti, en ekki verði notaður hefðbundni (litli) launamiðinn í þríritsformi. Þetta form launauppgjafar gefur launagreiðendum tækifæri til að koma á framfæri frekari upplýsingum og leiðbeiningum til launamanna sinna,

m.a. í tengslum við forskráninguna, sbr. meðfylgjandi tillögu að texta (sjá hér að neðan).

- Einhverjir launamenn fá ekki áritað skattframtal. Þetta á m.a. við um börn yngri en 16 ára og þá sem búsettir eru erlendis, sem þó ber að skila framtali. Skýringar launagreiðenda á launamiða þurfa einnig að ná yfir þessi tilvik.
- Með launamiðareitum nr. 11, 34, 82 og 93 skal alltaf tilgreina bæði texta og fjárhæð, en með öðrum reitum skal einungis tilgreina fjárhæð.
- Að gefnu tilefni vill ríkisskattstjóri vekja sérstaka athygli á að hafi verið skipt um launa- og/eða greiðslu-kerfi eða þá að sameining við önnur fyrirtæki hafi átt

sér stað á árinu 2005, þarf að yfirfara skil á launaupplýsingum gaumgæfilega í samráði við tæknimenn, enda sýnir reynslan að launamiðaskilum til skattyfirvalda er oft afar ábótavant undir slíkum kringumstæðum.

Leiðréttingar

Hægt er að leiðrétta skil rafrænna launamiða á þjónustusiðu á vef RSK. Hafi launamiði sem skilað var á pappír eða segulmiðli verið rangur, skal launagreiðandi strax og það kemur í ljós senda skattstjóra í viðkomandi umdæmi **nýjan launamiða á pappír**, með beiðni um að áður sendur launamiði verði gerður ógildur. Jafnframt skal senda samrit af réttum launamiða til launþega.

Tengsl launamiðareita og framtalsreita v/forskráningar launa á skattframtal 2006

Launamiðareitur	Lýsing á launamiðareit	Reitur á framtali	Lýsing á framtalsreit	Athugasemd
02	Laun	21	Launatekjur og starfst. greiðslur	
03	Greiðsla í lífeyrissjóð (4%)	162	Iðgjald til frádráttar	
04	Hlutabréf á undirverði	135	Önnur hlunnindi	
05	Þaf af v. sjómennsku v. sjómannaafsláttar			Sett á sundurl.blað
06	Verktakagreiðslur			Ekki forskráð
08	Númer lífeyrissjóðs			Sett á sundurl.blað
09	Styrkir til náms, rannsókna o.fl.	131	Styrkir til náms, rannsókna o.fl.	
11	Endurgreiddur útlagður kostnaður			Ekki forskráð
12	Vikur alls			Ekki forskráð
16	Ökutækjastyrkur	22	Ökutækjastyrkur	
17	Dagpeningar	23	Dagpeningar	
19	Sjúkradagpeningar	96	Aðrar greiðslur í kafla 2.3	
21	Greiðslur úr lífeyrissjóði	43	Greiðslur úr lífeyrissjóðum	
26	Skattfrjáls verðlaun, heiðursl., happdr.	597	Skattfrjálsir vinningar	
27	Fatahlunnindi	135	Önnur hlunnindi	
28	Húsnæðishlunnindi	135	Önnur hlunnindi	
32	Skattskyld verðlaun, heiðursl., happdr.	96	Aðrar greiðslur í kafla 2.3	
33	Fæðishlunnindi	135	Önnur hlunnindi	
34	Önnur hlunnindi	135	Önnur hlunnindi	
56	Endurgj. til höfunda, rétthafa o.fl.	96	Aðrar greiðslur í kafla 2.3	
57	Verkfallsstyrkur	96	Aðrar greiðslur í kafla 2.3	
58	Björgunarlaun	96	Aðrar greiðslur í kafla 2.3	
59	Skaðabætur greiddar af launagreiðanda	96	Aðrar greiðslur í kafla 2.3	
60	Bifreiðahlunnindi	134	Bifreiðahlunnindi	
61	Styrkir og styrktarfé	96	Aðrar greiðslur í kafla 2.3	
62	Félagsleg aðstoð frá sveitarfélögum	197	Félagsleg aðstoð o.fl.	
63	Greiðsla í séreignarlífeyrissjóð (4%)	160	Viðbótariðgjald til frádráttar	
64	Númer séreignarlífeyrissjóðs			Sett á sundurl.blað
65	Leigutekjur	521	Heildartekjur af útleigu eigna	Ekki forskráð
67	Húsaleigubætur	73	Aðrar skattfrjálsar tekjur	
69	Skattskyldar greiðslur tryggingafélaga	96	Aðrar greiðslur í kafla 2.3	
71	Afdregin staðgreiðsla	296	Staðgreiðsla af tekjum	
72	Aðrar bætur og styrkir frá sveitarfélögum	197	Félagsleg aðstoð o.fl.	
73	Ökutækjastyrkur utan staðgreiðslu			Ekki forskráð
74	Dagpeningar utan staðgreiðslu			Ekki forskráð
82	Aðrar skattskyldar greiðslur	96	Aðrar greiðslur í kafla 2.3	
83	Ráðningardagar			Sett á sundurl.blað
85	Ráðningardagar			Sett á sundurl.blað
87	Lögskráningardagar/úthaldsdagar			Sett á sundurl.blað
88	Lögskráningardagar/úthaldsdagar			Sett á sundurl.blað
89	Óskattskyldar greiðslur tryggingafélaga	73	Aðrar skattfrjálsar tekjur	
93	Aðrar skattfrjálsar greiðslur	73	Aðrar skattfrjálsar tekjur	

Með launamiðareitum nr. 11, 34, 82 og 93 skal alltaf tilgreina bæði texta og fjárhæð. Með öðrum launamiðareitum skal einungis tilgreina fjárhæð.

Tillaga að texta sem kemur neðst á launamiða á A4-formi til skýringar á forskráningu:

Fjárhæðir, sem fram koma á þessum launamiða, verða forskráðar með vélrænum hætti á tekjusiðu skattframtals 2006. Noti launþegi ekki áritað framtal við skattskil sín, þarf hann sjálfur að færa umræddar fjárhæðir í viðeigandi reiti á skattframtali sínu. Athygli er vakin á því að fjárhæðir, sem færa má til frádráttar í kafla 2.6 á framtalinu, eru ekki forskráðar, fyrir utan iðgjöld í lífeyrissjóði í reitum 162 og 160.